

皇明經世文編

皇明經世文編卷之三百八十六

陳子龍臥子 宋徵璧尚木

萃亭

選輯

徐孚遠闇公 宋家禎善先

謝廷楨提月叅閱

褚司農文集

疏

褚 鈇

乞勘新增牧地銀兩疏

新增牧地銀兩

臣于隆慶五年七月內接見邸報該陝西總督王題稱苑馬寺牧地先年止有熟地一萬六千頃養馬一

萬二十匹。邇來牧軍占種官民田地，及開墾荒熟，已近八萬。所養兒騾馬止七千匹。欲將熟地三萬頃，養馬一萬匹。餘地五萬頃，徵銀四萬五千兩。解固原兵備道牧貯充餉。巡茶御史督催完解。每年終造冊奏繳等因。該兵部覆題奉 聖旨是欽。此欽遵。臣謂此舉殆徒得其槩而未考其詳。止計目前之小利而不顧邊防之大計者。此臣職掌所關，不敢緘默。竊惟陝西一省，西北二面俱隣番虜。故當國初開設六監，二十四苑，養馬供邊。祖宗良有深意。後奉例裁革，止

存兩監七苑額地一十三萬三千七百七十七頃六十畝原爲給軍牧馬未嘗起科弘治十七年都御史楊一清查理牧地高山陡澗四萬一千六百二十餘頃水草便利堪以牧種荒熟地共一十二萬八千四百七十餘頃于內擇平川熟地八千三百一十六頃徵銀八百三十一兩六錢兩寺公費牧軍除種地外每月各支糧六斗種馬數少又常奏請內帑銀買補所以當時牧軍安業馬匹數多至嘉靖三十七年御史梁汝魁復查前地見牧丁開墾草場又增銀一千

七百六十三兩。遞年追徵逼迫逃移不可勝言。故前御史王天爵奏請蠲豁。欲復弘治之舊。見奉欽依。行撫按勘處。假使七苑地土盡皆平川熟地。或應加徵銀兩。則楊都御史當先爲之。王御史亦不爲之。奏豁矣。矧七苑見今養馬七千九百四十匹。比弘治間數雖不同。每年選俵固原延寧三鎮二千匹。額未嘗少。此外又買補倒失。追納虧欠。每歲牧丁所出。不啻萬兩。而陸續牧養銀買茶易并拏獲私馬。又不止一千五百餘匹。若有倒失虧欠一例追賠。近年總督衙門

又將月糧盡行裁革，牧軍苦累，逃亡過半，且各苑設
鄰近隅，山高地寒，土脉磽薄，五穀鮮收，有今歲開種
而明年即拋荒者，有欲種此段而復新開別段者。論
大槩，祿數雖多，較其實堪種甚少。此寺道之所常言。
而臣體訪之極真者，雖舊額地祿銀兩本等，倒失虧
欠，尚辦納不前，徃徃棄馬逃移。今一旦又加銀四萬
五千兩，則數目愈多。供辦愈難，將來負累不堪。則軍
逃地荒，馬匹無人牧養，不但新增之未完，且併原額
而胥失之矣。縱一時嚴刑追完，臣恐竭澤而漁，得魚

雖多而明年無魚也。且查得前地該先任總督王崇古御史李良臣因軍民互相告爭會同丈勘第彼時委官不得其人或增一爲十或奪彼與此非惟不得其平及致大啓爭端續該前御史楊相題奏欽依勒令前來臣與總督撫按衙門嚴催寺道會丈尚未明的豈空遽議增加以臣愚計必須丈勘完日方可酌量施行伏乞勅下兵部從長議處或俯賜仍舊或行撫按會勘果係侵占軍民田地則當撥給軍民照舊辦納屯糧若係原額牧地則當仍給牧軍養馬縱地

多馬少只空徵銀買馬以復弘治年間養馬萬餘之數如係高山陡澗不堪耕種則當責令還官立爲草場以爲蓄牧之所不許私自開耕如有故違容臣着實拏問則芻牧廣而軍實克祖宗之舊制既不至紛更而邊防之重計亦永有攸賴矣又豈止牧丁之蘇息而已耶

條議茶馬事空疏

茶馬

臣惟茶法馬政內克軍實外馭番夷最爲國家重務臣愚謬承任使接管以來悉心咨訪頗得其槩除條

理細微者、遵勅酌行、事體重大者、專疏題請、外間有積習因循、而法當振飭、舊例拘泥、而時應通變者、敬摠一得、條爲五事、上塵 睿覽、伏乞勅下該部、再加查議、如果臣言可采、覆題令臣施行、庶廢墜可舉、姦弊可釐、而邊計未必無小補矣、

一曰、議招中以圖實用、臣查得洮河西寧三茶司、每年招番中馬、俱委廉能有司、時有定期、馬有定額、而招中者俱堪騎牧、惟甘州茶司、近年新設、暫委彼處防守等官、陸續招中、不肯着實揀選、止取老弱充數、

而地方官豪間多收買不堪。頂番冒中。徒費官茶。無裨實用。且馬數多寡不一。番夷出入無常。非惟招商中茶。引數難定。抑恐通番交易。引惹弊端。似非所以慎邊防而籌國計也。合無以後將甘州茶司。比照三茶司事例。定以六月開中。聽臣衙門行分巡西寧道。擇委廉幹官員。會同彼處將領。撫調番族。依期前來。不拘兒騾扇馬。俱要九歲以下。四歲以上。高三尺七寸以上。臆壯堪以騎征者。方許中納。每年大約以八百匹爲止。務限兩月以裏。通完。其合用茶篋。聽臣如

數扣筭招商買運仍禁官豪勢要，不許私相貿易，頂番冒中，違者查照律例從重問遣。庶馬皆堪用，茶不虛費矣。

二日議商茶以革積弊。臣查得舊例招商中茶，上引五千斤，中引四千斤，下引三千斤，每七斤蒸曬一篋，運至茶司官商對分，官茶易馬，商茶給賣，每商上引仍給附茶一百篋，中引八十篋，下引六十篋，名曰酌勞。此外又量免差徭，厚加犒賞，經過漢中鞏昌地方，責令掌印官盤驗，佐貳官催運，稽查奸弊，情法本為

兼至、近年以來、積習因循、府州縣正官、不肯經心料理、率多轉委首領、受賄容情、以致姦商假以附茶爲由、任意夾帶、恣情短販、甚至漢中盤過、有二三年不到茶司者、鞏昌招中、有十數年不銷原引者、比到茶司、又買求官吏、將絕細極重黑茶挑作附茶、盡數入已、獲利數倍、至領出正茶、將黑茶貨賣、黃茶寄頓店舍、待下年仍復交官換新茶、輒又入已、玩法欺公、弊難枚舉、然舊例又不論違限久近、附茶一槩准給、所以勤商無勸、情商無懲、而茶法壞矣、合無今後招商

引內註定一年完者厚賞二年量賞三年免究四年
問罪仍抽附茶一半入官五年問罪附茶盡數入官
不准再報六年以上卽係老引興販照例問遣其經
過漢中鞏昌專責理刑推官查照引內篋斤着實盤
驗不拘正茶附茶每篋俱重七斤如有引外夾帶及
正附篋斤不同者卽斫截入官若係假茶盡數焚燒
仍將本商問罪倘推官員缺分委同知通判代任不
許仍委首領致滋弊端各處巡捕官照臣新定長單
催僱人夫令商出備脚價挨次每引一起發運不許

零散參差以防夾帶仍差人押送前途刻期銷繳不許任意耽延短販作弊運到茶司監收官將附茶信手抽給正茶拈鬪對分貯庫易馬完日應給商番黃茶仍從頭徹尾刮去一篋以防下次抵換赶上易馬者准令領賣如違不分正附貯庫俱待下年給領庶茶篋皆得精美商人不敢稽遲番夷樂從而招中不誤矣

三曰議種馬以蕃孳牧臣查得延寧固原甘肅四鎮每年俵給官軍馬匹各有題准定數近甘州設立茶

司議將四川課茶徵本色解運該司招番易馬繼因川民苦累改徵折色每年該銀二千二百七十八兩聽甘肅巡撫衙門買馬支用後又題准將前銀改解苑馬寺二百八十五匹免給甘鎮彼時蓋慮甘州茶司新設招中勢恐難行故爲此議今查該鎮除西寧茶馬每年同各鎮照常給領外自嘉靖四十三年始至隆慶五年止其中過甘州茶馬四千九百三十四匹又免過西寧該解牧馬五百七十四匹是在甘鎮則新增五千五百之馬在各鎮則止領舊日之數已屬多

寡不均。且蘭州商茶臣俱依期解運甘州。而四川課銀。通未分文解到該寺。又爲有名無實。即今苑馬寺見在種馬。止八千七十九匹。數本不多。每年選俵。固原延寧三鎮二千匹。額不可少。雖有孳生補賠之駒。畢竟不及應俵之數。若不早爲湊處。則監苑漸虛。孳生愈少。查得弘治十七年。都御史楊一清曾奏准支太僕寺馬價銀四萬二千兩。買馬七千匹。故一時種馬至一萬三千餘匹。孳生亦多。但內帑空虛。時難比例。雖臣通融湊處。力尚可爲。合無將前原免給甘鎮

馬二百八十五匹、自隆慶六年起、照舊解苑馬寺孳
牧、其四川拖欠隆慶五年以前茶課銀兩、俱催解苑
馬寺、同臣衙門解進、賞賂熟番、糴穀備賑、餘剩贓罰
銀、盡數查出、分發守巡隴右、分守關西三道、每八兩
買種馬一匹、發苑孳牧、完日、仍將用過銀兩、買過馬
匹、造冊奏繳、青冊送部查考、庶種馬增則生息蕃、而
各鎮之取俵不乏矣、

四曰議課駒、以免民累、臣查得苑馬寺課駒定例、每
騾馬一匹、三年科筭二駒、乃洪武至成化以來、祖

宗舊制自正德三年都御史楊一清題准如騾馬飄
沙虧欠一駒准納銀三兩此固一時寬恤牧軍之意
亦爲騾馬原不生駒者而言非謂凡馬不論有無生
駒止令納銀三兩遂可完事近年寺官因循怠惰監
苑官受賄通同不肯科駒多令納銀以致牧軍驕橫
孳生數少無惑乎總督王之誥遂起加賦之說臣今
歲詣七苑點馬除兒扇馬一千九百一十二匹實在
國家爲以今時陝西而騾馬止四千餘則生駒焉能
騾馬四千一百八十五匹見生兒騾駒一千九百八
孳息豈足無遺遺之用乎比之府時何如也
十二匹是四千有餘之騾馬而正生餘生之駒將近

二千矣。何每年課駒多不及十分之二耶。詢訪其故。蓋以近年因有虧欠納銀之例。故牧軍領馬不搭配。率護飄沙。生駒不將惜。類多傷損。甚至生有好駒。往往扶同隱匿。圖利盜賣。借人死馬舊皮。捏稱近日倒。死上納虧欠。三兩了事。如臣點馬。查出武安等苑王。世福等七名是已。至年終將前銀發各道。每八兩買馬一匹。解苑孳牧。然中間官吏之留難。里老之科派。富戶之補賠。守候餒養之草料。往返解送之盤纏。所費無筭。苦累不可勝言。是牧軍本等之差。而又轉爲

百姓之害也。合無今後行令寺監苑官照臣案驗嚴督牧軍將馬匹春夏撒放務要搭配秋冬攢槽毋令瘦損中有定駒顯駒重駒生駒逐一登記格眼冊內按季送臣查考如有虧欠俱追馬駒不許再令納銀如本馬上年生有餘駒即令頂補不許需索刁難仍勒限年終通完如縱容拖欠聽臣照例叅問罰俸此法一行每歲約得駒二千餘匹三年後駒復成馬馬復生駒雲錦之效可望而牧軍匿駒之弊百姓買馬之苦皆從此息矣且牧軍領地一頃此外又有草場

萬一馬不生駒。責令買補本色亦不爲過。但邊方山高地寒。早霜寡收。雖百畝之田。亦不及腹裏平地十畝之入。種地養馬。尚多逃竄。徵銀克餉。勢豈能行。且七苑見在馬匹。雖止八千有零。如連俵數通筭。牧軍實養一萬。若比邊軍馬匹草料。所費亦自不貲。其間賠補倒死。追納地畝。又有許多苦楚。矧牧田名雖一十三萬。然連高山陡澗。其實一十七萬。楊一清碑冊可查。今總有熟田八萬。尚不及原額之半。其可遽謂有餘。而分外加稅取。以臣愚計。似當照舊科駒。不可

徵銀克餉。况係 祖宗舊制。尤當變禮存羊。不可因噎廢食。蓋牧田不稅。則牧軍相安。選賢久任。馬政尚可復興。使一旦紛更加賦。則將來牧軍。逃竄愈不止。此馬政廢墜。決不可爲。一時邊防缺馬。何以應之。此臣職業所關。不得不爲過慮。

五曰。議責成。以便巡察。臣聞天下有治人。無治法。而利源所在。弊孔必多。誠得治人。則隨事立法。因時制宜。弊安從生。使無治人。而惟法之求。雖桑孔獻計。劉晏畫策。法亦徒矣。臣攷國初最重茶馬。洪武間歲差

六行人、永樂間歲差三御史、宣德間歲差二十四行人、巡獲大夥茶徒、則凌遲處死、或家遷化外、豈祖宗故爲此多事、而過于嚴刑也哉、良以道里甚遠、邊計所關、不得不然、臣以綿力領茲重任、入境即遵奉勅諭、提督都布按三司、按月省諭、嚴禁把截、然多視爲泛常、惟巡歷所至、官始留心、拏獲大夥茶徒、假茶、夾帶茶、私馬等項、俱照律例問擬、一時姦商積販、固畧做省、其他未到去處、如臨洮衛經歷李崇儒、通渭縣巡捕李可大、等賣放私馬私茶、此類未經發覺者、

不知幾何臣叨任巡察豈不欲私販盡絕然以一身
按兩省十一府四茶司七苑東西南北往返周旋一
萬餘里未免顧此失彼掛一漏萬若使所在司道就
近督貴州縣密緝嚴拏則茶徒馬販決不能逃但恐
賞罰不明巨細不論則小人邀功計利未免賣放妄
拿合無以後茶馬出產經過去處責令該道稽察如
陝西則關南隴右守巡四道洮岷臨鞏西寧三兵備
道四川則川北守巡安綿兵備三道勅書官銜俱添
兼理茶法使之顧名思義一應茶徒馬販務要加意

巡禁臣出巡所在照舊親自查比如出巡別府每季終守巡兵備各將所屬巡捕官兵查比一次仍報臣知會以觀用心與否拏獲私馬私茶每十匹給賞二匹每百斤賞銀二兩多者遞加仍以大夥爲功不許妄拏腹裏孳生馬匹及些須食用茶斤如違加等重治每年終各將有無拏獲通番大夥茶徒馬販報臣以憑具奏則私茶不敢入番番馬不得進境而招中有裨矣此又拔本塞源之論人存政舉之要也

日擊番虜情狀疏

番虜情形

臣以庸劣謬領茶馬自隆慶五年二月入境赴漢中催茶鞏昌招商間據鎮羌守備呂憲報稱四月十六日賓兔精兵約有三百餘騎各到營前說稱要搶西番我與漢人和了永不犯邊你將賞賜與我做些買賣職說本堡窄小竝無實賜買賣達子聽說徑往西番去訖又據分守涼州副總兵謝朝恩報稱六月十三日達賊五百餘騎從永昌入境搶番十九日回還賊恐前賊雖搶西番經過地方虛實盡知會同遊擊鄭經等列陣追逐但虜恃納款慢無驚懼及稱永昌

遊守下家丁徐朝剛張道朱世英祝友年與達賊引
路回日共要皮襖二領大馬二匹牛十隻羊一十八

隻乞為查究等因到臣除將徐朝剛等行該道拏問

此時執政與宣大督臣因款虜之利。

外臣猶以為西羌族類甚多未盡納馬番人而以夷

明許搶番然在西集不得不慮也

攻夷或者中國之利也及往洮河西寧招番中馬見

洮岷皆與番為鄰過積石古鄯巴煖碾伯更多番漢

雜居竊見有唇齒之勢又當中國之差而不可盡以

夷視之者及至西寧驗馬賞番見替市諸族比往歲

納馬稍遲責以違慢之罪據各番及通事稟稱以茶

中馬此是 朝廷大法度亦是我西番認定的差發
怎敢違誤但今年北虜屢次搶掠牛馬殆盡番子們
賣兒賣女去遠番買馬上納所以來遲等情臣恐一
時支吾因詢守巡兵備副參遊守等官隨據西寧兵
備副使李堯德開報近日北虜與中國通貢傳示海
虜不許侵犯漢人一意搶番各番畏其虜掠率多納
獻方物苟免一時吞噬紅帽番族又約爲婚姻作彼
奸細引誘諸番使之歸順如近日咎市等族各將皮
幣犬馬投獻北虜祇恐背率向夷漸不可長萬一合

駭連謀入犯內地。小則殺虜人民，搶奪財物。大則攻城掠地，據險守要。甘肅西寧殆岌岌乎不可支矣。又據分守西寧叅政張一濤揭開八月十四日據古浪操守王綱稟稱，南山住牧西番王討兒一族約五百餘騎，邀趕牛羊欲過大路，與北虜和好，職會同遊擊鄭經撫諭各番。朝廷法度利害，不敢准你們過路。至本日申時，各番仍歸本族去訖。又據分守蘭州副總兵張傑開報，今歲賓兔擁衆收搶甘肅高臺洪水等處鄰近西番，有南山住牧番族爾加吉等被搶窮

迨投奔中國，不肯周濟，亦去歸順賓鬼，甘爲奴隸，苟全性命，北虜又與土魯番及西番紅帽兒族帖木哥族結親連和，因此往來不絕，傳遞消息，指引道路，即今銀定等酋，尋捨西番，無處不到，番人畏勢多，欲順從，且藉此求貢名色，假以討賞爲由，往來各邊，盡將城堡虛實，兵馬強弱，地里險易，俱被窺探，又每每向邊堡墩軍索要乾糧米麵，乞討賞賜，買賣，職息，窮邊財貨不多，大羊貪饗無厭，焉能一一應酬，互市勢難經久，極當籌畫防範等因，各開報到，臣臣愚竊惟甘

肅一鎮孤懸河外自金城抵嘉峪延袤二千餘里南
番星羅肘腋北虜盤踞門庭中間僅通綫路四顧鮮
有援兵比諸延寧固鎮極爲衝險我祖宗神謨睿
筭盡制曲防設罕東曲先安定阿端諸衛及置招討
宣慰指揮千戶等官又因俗爲治建瞿曇弘化等寺
及贊善闡化大乘大寶國師都綱等官俱賜誥命印
章俾世爲中國藩籬即漢武表河曲開五郡隔絕羗
胡以斷匈奴右臂之意至開茶馬之利內供邊鎮外
制羗戎尤前代所無而我朝獨有之者誠得禦戎上

策而爲 聖子神孫之萬世鴻圖也。自正德間套虜亦卜剌阿爾禿廩入西海。殺罕東曲先等四衛之衆。遂奪其地以爲巢穴。嘉靖間奪虜吉能部落日繁。又分賓兔白馬台吉銀定台吉等諸酋精兵二萬餘騎。住牧莊鎮甘肅大小松山。自此北虜隨便搶掠番漢。然猶倏來倏去。未聞久住結親。官兵時或堵截。未敢長驅直入。番漢又多互相策應。爲害未爲甚烈。而西番各族亦未聞有畏威欲投順北虜者。近日北虜納款屢次。搶番各該將領旁觀坐視。眇不爲意。家丁

軍餘又圖利勾引以致北虜公然無忌西番通無倚庇則夫畏其勢而貢其有背中國而向夷狄殆事勢之所必然人情之所必至者也夫使西番而無利於我捨番而無害於我則舍之而不圖猶可然洮河西寧甘州四茶司每年番族共納馬六千五百餘匹約值銀六萬五千餘兩三邊戎馬大率取給於此又爲中國藩籬使海虜不得東下而輒入有益於邊防而又有裨於國計是其利何如也今若聽其搶掠則虜人逐利而專意於番番人畏威而甘心於虜茲觀其

結爲婚姻。而陰爲鄉導。獻以牛馬。而明欲歸順。則番虜殆有合一之勢矣。夫番虜合。則甘肅危。甘肅危。則秦隴震。而招中敢必。其如舊耶。撤藩籬之固。而又失茶馬之利。是其害何如也。且聞谿欲無厭。不時求討賞賜。而各邊將官。徃徃剝貧軍。以供牛酒。殆類剗肉醫瘡。任其收捕西番。所謂藉寇兵而齎盜糧。誠如假虎以翼。抑恐犬羊叵測。所過虛實盡知。萬一逞狂獺之形。而操戈反噬。恣封豕之勢。而假道襲虛。則甘鎮被其荼毒。而全陝無寧歲矣。臣又查得洪武年間。我

祖宗開設茶司、西番各族既給以金牌信符，令其當差納馬，而番官指揮千百戶鎮撫等官，又許赴京襲替，給與關文勘合、夫名器所加，則體統相維。我之於彼，既驅使有名，彼之於番，尤約束甚易。此最祖宗深思遠慮，羈縻外夷之良法也。後因邊方多事，金牌停止，關文勘合，使番官皆不得襲替，徒有虛名。全無實授，竊恐相沿日久，名器不存，不但將來遠番邈不相通，而附近諸番亦不知合當差發矣。今我皇上統馭九有，萬國咸賓，北虜之納款，既皆封授。

官秩以示羈縻之術。而西番貢馬者，可不令其襲赫以復。祖宗之舊。耶。伏乞勅下兵部，再加查議。如果臣言不謬，覆議上請，宣諭俺答吉能，傳示賓鬼各部，落不許再令搶掠中馬西番，嚴行甘鎮總副參遊等官，不許將北虜放入搶番，如仍前縱容致搶掠太甚，容臣指實糾奏，仍行洮河西寧三叅將，傳示紅帽等番，不許交結胡人，如仍勾引傳遞，則糾衆番攻剿，萬一海賊突入，番力不支，則發兵策應。如果殘傷，亦量一加賑恤。則番人知利害在我而不在彼，制命在中國。

一海賊突入，番力不支，則發兵策應。如果殘傷，亦量

彼時恐壞款局亦不能願也須於

款市中明與定約寧小增其實

而不在夷狄。庶番族相安。甘肅可保無虞。至番官襲替一節。亦乞行洮岷臨鞏西寧三道。并三叅將。將應襲指揮千百戶鎮撫驛丞等官。查明類呈。撫按并臣衙門會題。請給勘割。令就彼各襲原職。以爲統領。不必令其赴京。以滋煩擾。則番人益知朝廷修復舊制。各當本等差發。不敢稽遲生拘。而藩籬之固。邊圉之利。可悠久無疆矣。

議處僕苑官員疏

苑官員

臣惟國之大事在兵。兵之急務在馬。而寺官之賢

否馬政之修廢關焉。臣以駑駘謬領巡視夙夜兢兢
思欲振作以求不負。皇上任使之意入境以來見

陝西行太僕苑馬兩寺通無一官印務皆平涼府署

管及閩邸報見卿與少卿俱已推補間多遷延不肯

自楊文襄清理馬政奏改卿寺官

赴任臣諄其故咸謂近年兩寺卿丞多以素有物議

皆用兩司贊者調補馬政始清楊公去任後此官

者調補人之視彼既輕彼之自待亦薄志氣銷靡不

漸輕矣為始序之山河海事任之輕重大勢如此

復展布各衙門又搜求往過肆相糾劾旋到旋去故

人無固志不肯樂就而寺丞係分路堂官亦以歲貢

搜例及知縣素有物議者陞除到任皆不自愛惜需

索常例科害牧軍且資格微而人不敬服。時常與各衙門爭禮不遂。便昂昂然徑自逃歸。如近年寺丞王文學劉民準者是已。然寺監雖職專牧馬。而地界多與州縣相隣。原職任與有司不相統攝。故牧丁有逃回原籍。或拐馬及畏追倒廡。潛入各州縣者。徃徃不能勾捕。附近軍民有侵占牧地。彼此相告者。亦歲久不得歸結。監正錄事等官。俱監生吏貢銓補。此輩皆日暮途窮。甘心苟且。假以點驗科索。比寺丞尤甚。惟僕苑官不得人。此馬政所以廢弛。失今不爲改絃易

轍則將來大壞極弊有不可勝言者臣查得弘治十七年督理馬政都御史楊一清題准陝西僕苑寺卿員缺於兩司中選素有才望者陞任待有成效照在京太僕寺官事例不次擢用及奏准添註平涼等府同知張檄等二員不時聽委等因故一時官皆賢能馬政修舉又查得隆慶元年巡撫都御史石茂華題准將甘肅行太僕寺寺丞裁革改設少卿管理莊浪馬政仍兼兵備僉事見今威令易行地方馬政俱爲有益今若比照前例寺卿仍選賢能寺丞改設少卿

各帶僉事職銜專一督理馬政監正亦添註府佐職銜俸薪仍照監正支給則僕苑兼風憲之名勢分崇而人多愛惜寺監兼有司之職軍民服而驅使無難如是而人不樂就事仍掣肘者未之有也是雖兼銜改設畧似更張而輿阜俸薪原無增益矧藉空名以圖實效似亦無不可者臣又查得弘治年間吏部尚書馬文升等題准二寺官員賢否皆從督理馬政御史填註開報巡撫巡按官通不干預永爲定例不許阻撓紊亂及臣見今欽奉勅諭內開一切牧馬事

悉聽爾從長計處。巡撫巡按等衙門，不許干預爾職。寺監官聽爾提調約束，仍須以禮相待。功績顯著者，具奏旌擢。闒茸不才者，指實糾舉，不許各衙門肆行凌轡。臣仰見我皇上慎重馬政，優崇寺官，至意夫何邇年以來，間多干預凌轡，以致寺官叅謁奔馳，職業隳廢。臣思馬政係邊防重務，豈可任其消耗而不爲一整頓哉。

皇明經世文編卷之終

皇明經世文編卷之三百八十七

華亭

徐孚遠開公 宋徵璧尙木

選輯

陳子龍臥子 顧開雍偉南

彭彥昭君鄰泰開

溫宗憲奏疏

疏

溫純

丞圖覽本顧問以隆交泰疏

此公為給諫時所上

臣讀易至泰而曰坤上乾下至否而曰乾上坤下乃知君臣與天地等天地交而後化工可成君臣交而

後萬幾可理。自昔聖帝明王，以及我朝，或憲老，或乞言，或顧問，或形諸章奏。今憲老乞言，不可復矣。顧問章奏，卽漢唐宋之主，亦未有不須此以爲治者。我

皇上御極以來，朝講勤矣，言路開矣，臣姦斥矣，獨覽本顧問二事，雖言官往之言，而該部未暇爲。皇上請者，豈非以皇上卽位之初，服制未闕，在古有三年不言禮乎。又豈非以政務旁午，奏牘雜陳，欲皇上一一而問之，一一而覽之，將涉于勞而無其要乎。今先帝之喪已畢，中外臣工，莫不以高宗邁訓

成王訪洛故事，仰望我皇上，我皇上必思有以合臣工之望者。臣計今切務，則莫如覽本顧問而已。何者？往歲臣在山東，聞皇上于講筵之暇，以石州殘破，下問輔臣。臣不勝欣躍，以爲聖天子留意邊方如此，不惟臣欣躍，而海隅蒼生莫不傳頌。九邊將領莫不警惕。是我皇上一言，即可以興邦，一怒，即可以安天下。倘由此日與大臣商確時政，則其所激發，臣又不知當何如也。我皇上何惜一言而不爲天下計哉？方今天下災異頻仍，盜寇弗寧，閭閻

多枵腹待哺之狀。邊鎮有脫巾求糧之苦。我皇上誠于此時。勤顧問。覽章奏。而諸臣中必有以修攘大計。爲皇上言者。諸臣言之。皇上採而行之。一留意而天下太平之期。可坐致無難也。且覽本不必于諸司之章奏。而盡閱之也。蓋諸章奏有關於聖躬者。有切于民瘼邊疆者。有招擬題覆爲各衙門之所當經行者。于此辨之。不移晷而章奏可覽也。顧問非必于天下事理而泛問之也。歷代何由而興衰。君德何由而進退。中國何由而人安。四夷何由而賓服。

于此審之不終日而問對可悉也。伏望皇上乘此諒陰之餘，俯順臣民之望，勅下禮部會同內閣九卿諸臣，再如詳議。如果臣言可采，合無行令。閣臣俟

皇上日講之暇，將票擬過諸司章奏，分爲二等。凡招擬題覆爲各衙門之所當經行者，不必煩瀆。其關於聖躬、切于民瘼、邊疆者，另開節要進呈。御覽卽時面請應否，采納施行。我皇上一有疑難，更望或召閣臣，或召部院諸臣，特霽天顏，俯賜清問，必使歷代興衰之迹，君德進退之由，與夫安內攘外之要，昭

然如在目前。始若勢分懸隔。久之而上下情孚。將凡都俞吁咈。如家人父子。藹然于一堂矣。國家億萬年無疆之運。不其永孚于休哉。

慶典在卽懇乞寬逮繫併停礦稅疏

臣等竊念國家內設三法司。外設撫按。及按察司。多官以刑罰關係民命。一不中則民無所措手足。故祖宗朝重之。未有中使之言。輕逮官民。亦未有以權採之故。輕遣中使。令其威挾撫按。有司者。又未有任中使之。叅隨棍役。竊弄權以漁獵小民者。今漁獵日

益甚而逮繫日益嚴蓋諸棍徒爲中使謀非多進以求皇上喜則有不奉命之禍而且無利欲禍免而得利卽移禍于民不恤又非阻撓之說激皇上怒則權不重而無大利欲權重而大得利則卽併禍官民亦不恤今皇上果喜果怒而利大半歸諸中使棍役矣不然劉有源之萬六千程守訓之數十萬從何自來而獨一劉有源一程守訓已耶夫皇上之喜怒皇上之威福也名雖窈于中使實則落于棍役內何有于法司外何有于撫按卽撫按且數爲齟

齷不安于位，而守令佐幕舉人逮矣，生員逮至二三十名矣，何論軍民，或棄之江，或毒以刑，或掘其塚，或折其臂，或搜其乳，或坐視群棍奸戲者，不可勝數，此何法也，欲何為也，無非用財貨也，財貨又大半入中使棍役也，近棍徒之外，又爭請兵，或徑招兵，陳奏以千計，高淮陳增馬堂以百計，合各省不下萬餘，餉將安出，倘未激變，何以兵為，既激變矣，當罪激變者，以其得已而不已也，當寬為變者，以為不得已而不得已也，則民服而變自消，若但深求其不得已者，寬縱

寬為變者亦非法紀但不使中

使激變耳非乃抑揚之辭

其得已者。是激之者。不但中使棍徒。必待變成然已。

若非大變亦不已。是速之使變也。况所招之兵類亡

遺繫序積抗

命無籍。喜亂偷生。始難于養。終難于御。始令之戕民。

終將以自戕。至于自戕而其究豈臣子所可忍言。蓋

中使之始而得利也。亦喜今而知有禍也。則懼故不

得不爲招兵聚黨。騎虎不下之計。然虎豈可終不下。

而可一面獵貨。一面防禍耶。亦愚之愚矣。方今邊塞

有脫巾之光。司農無應發之錢。誰不寒心。而又使閭

閻重足。感額之地。假以狐假虎威之勢。縱其魚肉屠

戮之慘。恐瓊林大盈之時亦未至此。我皇上一聞此等景象。宜不待臣等之詞之畢。然而天聽尤高。豈謂東倭西播。不難平安。何內地之足虞。臣等竊聞有國家者。非無賄之患。無令名之難。以所聞閭閻業已盡如陷穽。荆楚業已盡在水火。縱其民甘萬萬無虞。然令素所戴我如父母者。一旦爲魚肉。爲灰燼。不廣戾氣而傷和氣耶。且今後視我皇上爲何如主。臣等爲何如臣。臣等今見南北中外諸臣。及四夷君長。鱗集闕下。欲以祝延聖壽。竊以爲天人相感。以心不

以文若第襲嵩呼舞蹈之儀而不以感召和氣祈天
永命之道上陳則亦文耳故臣等伏乞 皇上開霽
天顏檢查臣等屢疏俯賜電覽將近逮知府蔡如川
等在內付臣等法司在外行撫按審奏明實奏請定
奪其礦稅各使及叅隨各役盡行收回橫惡如鄭守
訓先正刑章民有不舉首鼓腹以頌 皇上如堯舜
禹湯文武者臣不信也而天心可格上壽可臻愈于
靡文禱萬萬矣况爲堯舜禹湯文武也逸而臻上壽
爲瓊林大盈也勞而多隱禍昔之揭竿草澤以爲人

驅民爲人乘亂者。非內地之民。以爲無可虞者耶。而國勢因之矣。故曰可畏惟民。又曰民惟邦本。本固邦寧。非無謂也。臣等又聞壽者受也。受天之祐也。猶必皇上以天下臣民爲心。可以受天之佑。而後天之心亦爲臣民而佑。皇上以壽耳。

薊鎮兵事疏

薊鎮兵事

薊鎮邊事有可慮者四。當議者七。所謂四慮者。土兵未練。敵臺未完。有積怯之勢。一也。虜騎長驅震搖京邑。有剝膚之虞。二也。營兵日耗。聲援無資。三也。套虜

土蠻各懷報復此所謂無所不備無所不寡四也所謂七議者一薊鎮自譚綸戚繼光練兵築臺以來費亦不貲設一旦代去成功盡毀自今邊臣積有年勞及間有小失不宜輕易二京營練兵全藉副將宜稍重其事權并選各鎮名將致之營中以備緩急三老營堡之事獨賞鎮巡而不及哨探軍士無以勵人心宜厚加賞賚仍令諸邊報功并叙謀者四邊臣功罪核實在臺臣宜令御史遇警卽趨至近地詳核功罪奏報不得踰月朝廷據以賞罰則可以服將士之心

五今水旱頻仍倉庫揆括殆盡加一逋負歲人益虧
宜飭戶部先時計處以備軍興六黠虜故智嘗聲東
擊西邊鎮諸臣務相度机宜應援堵截無中虜計七
邊城傾圮當亟爲修繕務俾堅完以資戰守更請
皇上復御便殿之規俟秋防有警之日容閣部諸臣
面議方略

京營疏

京營之弊其失在不擇將而添將不增軍而增官不
講訓練而講營制陛下奈何以一輔臣故而用三

大將以一勳臣故而用三侯伯。又以三侯伯故而用三文臣。假令此六人盡才且賢。人惟一心。猶俱有十羊九牧之患。况一分兵馬。輒起異同。不惟文武不能。卽文臣中亦自相矛盾矣。千把總受叅游令。倏焉而副將之令至。又倏焉而文提督之令至。又倏焉而武提督之令至。多指亂視。多言亂聽。若常猶忌之以之。臨敵蔑不敗矣。各衛所官軍。雜置三營中。卽有公私。則以一官往來六提督之門。其費可知也。且三營各二副將。將各領兵五枝。不可謂分乎。分矣。得其人。

則合之爲三大營。分之爲六副將。又合之爲一總督。一協理。蓋祖用先帝之制。而諸副將之分屬統領者。又適當輔臣分制之議。夫誰曰不可。故臣等以爲文武大統帥。則莫如復先帝制。便其諸副將叅游等官。仍從近議分統。但今日之患。非練兵之難。而得將難。乃者管將類多選悞。與之談攻守事。則口噤莫爲應。不是之慮。而日建議。日添將。日取中旨。如兒戲。然其于兵政。何所裨哉。惟陛下勅各司詳議。毋拘成說。毋徇私見。修先帝之法。慎擇副將。責以練兵。

事宜轉弱爲強實在于此

魏中丞奏疏

疏

魏允貞

條陳救弊四事乞賜採納以弘治道疏

救弊四事

臣唯受言爲明進言爲忠遇明主而不言非忠也言而觀望顧避不敢自盡非忠也 陛下明竝日月而益之轉圜之從止輦之虛諫臺諸臣感激披瀝各効其愚摻城剔社一時殆盡臣復何言然有積弊之所未更敢諫之所不及明主之所加擇而流俗之所不

樂陳者臣不敢畏避忌諱，撥拾瑣細以自負于聖明之世，謹列四事，昧死上言，伏惟陛下垂聽焉。一曰公文武之用。夫文吏隸于吏部，武吏隸于兵部，其常缺吏兵皆得推用，其官尊而職要。文如九卿，武如總兵之屬，皆多官會推，此定制也。故大學士張居正輔政以來，文職一命而上，吏部皆不得自推用，必預關白，以是清要之地多與門士鄉人冗散之員，半是孤寒疎達。如言官所論，曾省吾王築皆其姻連死黨也。至于武職，又有甚焉。勢囑利進，不能枚舉，以故二

部之長欲陟一賢黜一不肖不敢陟之黜之也遇有
員缺卽行請教未上題疏先具揭帖朝以爲賢而暮
陟之爲緩暮以爲不賢而朝斥之爲後 陛下初未
嘗怒趙世卿也而文選郎輒希居正意困之王府亦
未欲終棄鄒元標等也而考功郎因居正矯命輒壞
成法以徇之直在混淆舉錯倒置物議朋興則又誘
曰權不在我也臣愚以爲 陛下宜與輔臣精察一
部之長而以其職事歸之于二部遇有文武員缺應
具題者務得真才應會推者務符輿論其所推稍不

不必指江陵但以流後人耳

當者。閣臣擬旨。得以駁易。其涉私而不公者。科道官風聞。得以指叅。夫輔臣不專吏兵之權。以行其私。吏兵亦不敢乘輔臣之間。以自行其私。如是何愛乎吏治之不得人也。伏乞 聖裁。二曰嚴科舉之防。太祖高皇帝時。開榜多南士。考官劉三吾伏法。世祖肅皇旁時。輔臣翟鸞二子登第。革職爲民。罷諸考官。此非過防也。進一權門。妨一寒士。得一匪人。失一真才。勢不得不然也。頃歲。居正欺 陛下冲齡。專權擅政。厭薄蔭典。垂涎制科。考試等官。窺矚意向。全場題

且或自擬呈覽、或領教擬成、居正諸子得倩人代作
臨場監試官、又加意賸殊、分別式樣、以授主司、罔點
批評、列置首卷、後先及第、海內士人、無不憤歎、以爲
二百年科舉之制、奈何壞自今始、天誘 聖衷、正罪
逆侯、迫連若正、復該南京科臣阮子孝疏論奉 旨
張懋脩等併從黜籍、科舉天下之公、大臣庶僚之表、
科舉而私、何事爲公、大臣而私、何人能公、其流之弊、

此亦有所增

至今未已、若謂事机偶值、原出無心、 肅莊兩朝五

十餘年、世科寥寥、 陛下臨御甫及十有一年、蜩集

蠅附不可勝數。豈彼時大臣子皆不才。父皆失教。今日庭訓淵源。家驥人璧。若斯乎。臣未敢以爲信也。貴者旣以勢脇。富者必以利要。師保公卿之子。尙有限。而錢虜買豎之家。買題買名。不知其所終矣。今臨軒有期。請陛下申飭前古。讀卷官務各秉公。竭明爲國。掄才敢有謬襲成弊。結知權門。受請富室。如丁庚故事者。許科道官指實具奏。又請輔臣子弟中式者。如張甲徵申用懋。其廷試讀卷。比照內外官引嫌迴避事例。俱以卑者避尊者。不得以大臣避子弟。蓋大

學士之充讀卷官與禮部之充貢舉官皆登進人才
關係職掌非如監試同考出自臨時可甲可乙自居
正外托迴避之名而內擅擬題之柄丁丑榜眼庚辰
狀元皆出其家惟此之故所當亟爲更正者也其有
懷才抱志堪及第中秘者退任以後聽從自便杜倖
門進真才光盛典將復見于今矣伏乞 聖裁三曰
慎臺諫之選夫今之給事中御史皆有言責之寄者
也然言貴可易勝哉其人正人則其言忠言所敷陳
者必天下之永利所叅駁者必天下之糝政所登薦

者必天下之大賢。所彈劾者必天下之巨奸。夫然後國是藉以重。而世道蒙其福也。人心不古。稍稍反常。而君正輔政以來。其風愈下。竊聞之科道缺多。知必行選。則預在內中書博士行人等官。在外推官知縣等官。訪其才性。便給工媚而善逢。他日必爲我用。如何也。才性和緩。不言人過失。他日不爲我患。如何也。其有慷慨有氣。蓄忠憤而抱顛直者。不與茲選。其偶有照顧不及。問察所遺。誤以忠直之士入其中者。又多方鉗制。百計消磨。或斥之外。或加之罪。如傳應禎

劉臺等皆是也。故所選授給事中御史多切近鄉人親交死黨。有所欲爲則托之昌言。有所欲去則諷之論罷。卽今言官所論于鯨李選是也。始之不慎。遺玷清班。臣愚謂陛下宜痛懲前弊。當選之年。吏部科道官查據履歷賢否。而又于才幹操守之外。博行延訪。以不通京書。不受知權門。剛果而有氣節者爲一等。以練達世務。明解朝章。忠實而有識見者爲二等。匪是則雖有浮才。弗得與焉。當選之日。吏部都察院。共同會考。或策以時務。或試以章疏。議論正大。見識

宏遠者爲一等。議論激切。不避權貴者爲一等。匪是則雖有浮名。弗得與焉。歷代以來。以諱言而釀亂者。常十九。以直言而僨事者。未之什一也。奈何直而不直取乎。且國家而設臺諫。欲其披肝瀝膽耶。欲其緘口結舌耶。欲其緘結則已。如欲其披肝瀝膽也。則豈奴顏婢膝之士所能爲哉。故始選之法。必毋設防于太直。而姑借口于近厚。則庶乎得其人矣。伏乞 聖裁。四曰務戰守之實。今爲中國患者。惟東西二虜。西虜最強。而我以馬市羈絆之。烽燧不驚已十年。東虜

次之。而捷書歲至。此何足爲患也。顧其患不在虜而
在中國。往年馬市未開。虜歲擾我邊。我用戒嚴。而總
兵各官。悉其有以養健兒。扛鼎命中之夫。結爲父子。
甘苦與同。彼時爲健兒者。亦悉力以養其戰鬪之氣。
無事則嬉飽。有事則死綬。故虜數至而不能爲患也。
今納款旣久。上下懈弛。三軍之士。月領一石。折色六
錢。旣扣其半以充市虜之費。又扣其半以奉貴人將
官。不養健兒。而推其餘于勢僕歌兒。星卜之徒。軍士
衣縷食糲。日苦修築。運石轉木。困憊欲死。間習爲匠

作活餘生。拋弓束矢。有如虜負約。誰爲禦之。卽虜不負約。能保無積久生怨。如陝西殺將官事耶。此一患也。又中國之所爲常勝者。恃賞罰明耳。賞當功。則用勸。功細而賞鉅。則滋疑。賞及于所可罰。則飾詐矣。東虜歲犯告捷。以爲常然。書之奏牘。則可喜。詢之道路。往來則可慢。有謂軍聲日振于前。人烟日希于舊。有謂斬獲多。嬰兒乳婦。而受封已。世爵通侯。有謂未見其交鋒。而惟聞其授首。有謂虜殺軍民。則隱有爲無。軍民殺虜。則增寡爲多。往者臨陣。有紀功。報功有覆。

核此非過制也將以信賞而昭勅也遼東之功誰紀之而誰核之耶此二患者計之無如自治市馬誠不可罷則寧于太倉盈餘歲支若干以資虜市無剝削于軍士欲憑地利必結人心無過勞其軍士毋用債帥毋養游食使常以戰爲守而緩急庶有恃矣戰功誠不可不厚賞則必須核實不實者紀功驗功同其罰小捷則從巡按御史查明大捷遣給事中同巡按御史查明毋以被殺軍民克虜首級毋以罪行賞至于賞則必先部下官兵次領兵次總督次運籌蓋自

本兵之臣好以邊功炫耀誇大而報多失實賞多踰格賞罰不明何以能軍。陛下痛懲前事則人不敢偽飾虛要各保境土而邊民得免于橫罹矣豈非安攘之勝筭哉伏乞 聖裁。